



# Verðlaunamyndirnar 2013



## Dómnefnd:

*Bjarni Eiríksson, Dagur Gunnarsson og Karl Petersson skipuðu dómnefndina sem fór í gegnum fréttamyndirnar, íþróttamyndirnar og myndraðirnar.*

*Gísli Egill Hrafnsson, Aldís Pálsdóttir og Hörður Sveinsson sátu í dómnefndinni sem fór í gegnum tímaritamyndirnar, portrettin, daglegt líf og umhverfi.*

## Mynd ársins



**Ljósmyndari:**  
Páll Stefánsson



## Umsögn dómnefndar:



Tilfinningaþrungið portrait sem fangar athygli áhorfanda samstundis, vekur upp óræðnar tilfinningar og lætur áhorfandann vilja vita meira um viðfangsefnið, hver er stúlkan, hvað kom fyrir?

Mynd ársins er af Maylis Lasserre, franskri stúlku sem var týnd á Vestfjörðum í tvo daga. Myndin var einnig valin portrettmynd ársins.

## Íþróttamynd ársins



Ljósmyndari:  
Árni Torfason



### Umsögn dómnefndar:

Hin rísandi unga stjarna, Aníta Hinriksdóttir, er í brennipunkti þessarar listfengnu myndar sem kemur til skila bæði hraða og hreyfingu.

## Daglegt líf



Ljósmyndari:  
Kjartan Þorbjörnsson

### Umsögn dómnefndar:

Snjöll innrömmun hjá ljósmyndaranum, að ná að fanga augnarráð „pinup“-stúlkunnar í glugganum, sem gjóar augunum að unga fólkinu í uppvakningagervinu. Tvinnar saman þeirra ólíku (þó ekki) menningarheima.

„Daglegt líf“-mynd ársins er af uppvakningum á Hverfisgötu.



## Tímaritamynd ársins



Ljósmyndari:  
*Kristinn Magnússon*



### Umsögn dómnefndar:

Skemmtilega unnin mynd af tónlistarmanninum Ásgeiri Trausta. Myndvinnsla í takt við tónlistarstefnu hans. Dæmi um einfalda hugmynd, sem virkar.

## Portrettmynd ársins



Ljósmyndari:  
*Páll Stefánsson*



### Umsögn dómnefndar:

Tilfinningaþrungið portrait sem fangar athygli áhorfanda samstundis, vekur upp óræðnar tilfinningar og lætur áhorfandann vilja vita meira um viðfangsefnið, hver er stúlkan, hvað kom fyrir?

Portrettmynd ársins er af Maylis Lasserre, franskri stúlku sem var týnd á Vestfjörðum í tvo daga. Myndin var einnig valin mynd ársins.

## Umhverfismynd ársins



**Ljósmyndari:**  
Vilhelm Gunnarsson



### Umsögn dómnefndar:

Áhrifarík mynd sem dregur skýrt fram hversu stór í sniðum síldardauðinn í Kolgrafarfirði var. Val ljósmyndara á sjónarhorni gerir það að verkum að landið virðist „teppalagt“ af síld. Útkoman er á vissan hátt yfirþyrmandi en jafnframt súrrealísk.

## Fréttamynd ársins



**Ljósmyndari:**  
Sigtryggur Ari  
Jóhannesson



### Umsögn dómnefndar:

Umsögn dómnefndar: Þetta er ákaflega einföld og vel uppbyggð fréttamynd. Styrkur hennar felst í samspili magnþrunginnar birtu og einfaldleikanum sem kalla fram sterk hughrif. Hún markar endalokin á langri og sorglegri sögu afbrotamanns sem öll þjóðin var meðvituð um. Fréttamynd ársins er af Karli Vigni Þorsteinssyni er hann var færður fyrir héraðsdómara.

## Myndröð ársins



**Ljósmyndari:**  
Kjartan Þorbjörnsson



### Umsögn dómnefndar:

Frábær og vel unnin myndröð sem lýsir vel þeim erfiðleikum sem Guðmundur þarf að mæta daglega. Hér er á ferðinni myndröð með mörgum góðum og sterkum myndum.

Guðmundur Felix Grétarsson missti báða handleggina í vinnuslysi árið 1998 og hefur þurft hjálp við daglegt líf síðan. Árið 2013 fór hann til Frakklands þar sem þarlendir læknar hafa ákveðið að reyna að græða á hann nýjar hendur. Síðustu vikuna fyrir brottför var mikið að gera og ljósmyndari fylgdist með.